



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Compendium Qvæstionvm Regvlarivm R. admodum P.  
Emanuelis Roderici Lusitani, S. T. Lectoris Prou. S. Iacobi  
Reg. Obseru. Ordin. Mino. Diffinitoris**

**Rodrigues, Manuel**

**Lvgdvni, 1621**

Tertiarij.

**urn:nbn:de:hbz:466:1-41743**

nisi testator aliquid legauerit : sibi autem extra summam necessitatem existenti , communiter non potest, nisi constiterit de voluntate testatoris , aut alios habeat executionis coadiutores. *art. 4. & tom. 2. q. 126. art. 8.*

Regularis etiam exemptus , aut Prælatus testamentarius potest conueniri ab Episcopo pro reddenda ratione executionis testamenti. Quod intelligendum de Religioso habente exemptionem communem, & conuentionibus ratione contractus, vel delicti subiecti , non autem de iis qui conueniri non possunt, quales sunt omnes Mendicantes. *art. 5.*

Nulli autem prohibetur testari in testamentis cum licentia Superioris. *quæst. 71. art. 2.*

## TERTIARIJ.

*Vide Exemptio.*

**T**ertiarj , quos Sanctus Franciscus instituit, viuentes in domibus suis , non sunt Religiosi , cum non dederit eis Regulam , sed tantum pium quendam viuendi modum;

dum ; vnde Fratres nullam in eis habent iurisdictionem ; sed tantum curam spiritualem ; illi autem qui viuunt in communi secundum Regulam approbatam à Sixto I V. sunt verè Religiosi , & sub cura Fratrum Minorum , iis exceptis, qui tacentibus Prælatis Ordinis , Episcopis se subdiderunt. *tom. 3. q. 72. art. 1.*

Seraphicus Pater Sanctus Franciscus primus fuit qui Tertiarios instituit ; ad cuius postea imitationem alij omnes à summis Pontificibus hoc idem impetrarunt. In Ordine Prædicatorum sunt Fratres & Sorores Tertiariæ tria vota essentialia emittentes , ac proinde veri Religiosi. In ordine Minimorum sunt etiam vtriusque sexus, sed tamen non videntur Religiosi. Ordo Carmelitarum , & Augustinensium solùm habet mulieres, non Religiosas, sed pœnitentes. *artic. 2. & 3.*

Habitus Tertiariorum Beatissimi Patris nostri Francisci viuentium in mundo secundum primam institutionem , est quoad formam similis habitui sæcularium ; sed

Bb 5 quoad

quoad colorem cinereus: viuentium autem in Cōgregatione debet differre forma & colore ab habitu eorundem Fratrum, hoc est, esse coloris obscurioris, non quidem albi aut nigri, magis tamen ad nigredinem tendentis. Quoad formam caparonem habēs ita latum, vt desuper scapulas descendat ab vtraque parte per quatuor digitos, & in longitudine infra corrigiam; prout statuit *Iulius I I.* Cordam per suam Regulam portare non debent, sed corrigiam; vnde quòd hodie aliter vestiuntur in quibusdam locis, consuetudine, seu, vt verius, corruptela introductum est, meritò reformanda. *art. 4.*

Hodie ex constitutionibus *Pij V.* & *Greg. XIII.* Tertiarij sancti Francisci viuentes in communi, sub cura & regimine Fratrum Minorum, Regulam approbatam vouentes, gaudent omnibus eorum priuilegiis, exemptionibus, immunitatibus, & gratiis. *q. 73. art. 1.*

Aliæ autem Tertiariæ subsunt Episcopis; sed gaudent Fratrum priuilegiis quoad indulgentias, &  
abso

TORTURA. 395

absolutiones. *art. 2. & quest. 74.*  
*art. 11.*

TORTURA.

*Vide Index.*

**N**on est in usu Religionum aliud  
torturæ genus, quam flagel-  
latio & ieiunium in pane & aqua;  
alia autem in aliis tribunalibus ex-  
erceri solita, absit quod admittan-  
tur in eis propter reuerentiam cle-  
ricatus; & habitus regularis. *tom, 2.*  
*q. 12. art. 4.*

Nec vnquam debet esse tanta fla-  
gellatio, vt incolumitas flagellati  
lædatur, vt iure prohibetur, vel vt vi-  
deatur esse in vindictam sanguinis. *q.*  
*20. art. 7.*

TRIBVTVM.

*Vide exemptio.*

**P**ius V. post alios summos Pon-  
tifices concessit Regi Hispania-  
rum Philippo quoddam subsidium  
pro expeditione belli contra infi-  
deles, super redditibus bonorum  
Ecclesiasticorum, & Regularium,  
etiam militiæ Regularis (demptis  
Cardinalibus, & militibus Hiero-  
soly.